

কবি-কাহিনী

রবীন্দ্রনাথ ঠাকুর



02/23/19 তারিখে উইকিসংকলন থেকে রপ্তানিকৃত

काव्योपन्यास

प्रथम सर्ग
द्वितीय सर्ग
तृतीय सर्ग
चतुर्थ सर्ग

<poem>

শুন কলপনা বালা, ছিল কোন কবি বিজন কুটীর-তলে। ছেলেবেলা
হোতে তোমার অমৃত-পানে আছিল মজিয়া। তোমার বীণার ধ্বনি
ঘুমায়ে ঘুমায়ে শুনিত, দেখিত কত সুখের স্বপন। একাকী আপন মনে
সরল শিশুটি তোমারি কমল-বনে করিত গো খেলা, মনের কত কি
গান গাহিত হ্রষে, বনের কত কি ফুলে গাঁথিত মালিকা। একাকী
আপন মনে কাননে কাননে যেখানে সেখানে শিশু করিত ভ্রমণ; একাকী
আপন মনে হাসিত কাঁদিত। জননীর কোল হতে পালাত ছুটিয়া,
প্রকৃতির কোলে গিয়া করিত সে খেলা-- ধরিত সে প্রজাপতি, তুলিত
সে ফুল, বসিত সে তরুতলে, শিশিরের ধারা ধীরে ধীরে দেহে তার
পড়িত ঝরিয়া। বিজন কুলায়ে বসি গাহিত বিহঙ্গ, হেথা হোথা উঁকি
মারি দেখিত বালক কোথায় গাইছে পাখী। ফুলদলগুলি, কামিনীর গাছ
হোতে পড়িলে ঝরিয়া ছড়ায় ছড়ায় তাহা করিত কি খেলা! প্রফুল্ল
উষার ভূষা অরুণকিরণে বিমল সরসী যবে হোত তারাময়ী, ধরিতে
কিরণগুলি হইত অধীর। যখনি গো নিশীথের শিশিরাশ্রু-জলে
ফেলিতেন উষাদেবী সুরভি নিশ্বাস, গাছপালা লতিকার পাতা নড়াইয়া
ঘুম ভাঙাইয়া দিয়া ঘুমন্ত নদীর যখনি গাহিত বায়ু বন্য-গান তার, তখনি
বালক-কবি ছুটিত প্রান্তরে, দেখিত ধানের শিষ দুলিছে পবনে। দেখিত
একাকী বসি গাছের তলায়, স্বর্ণময় জলদের সোপানে সোপানে
উঠিছেন উষাদেবী হাসিয়া হাসিয়া। নিশা তারে ঝিল্লীরবে পাড়াইত ঘুম,
পূর্ণিমার চাঁদ তার মুখের উপরে তরল জোছনা-ধারা দিতেন ঢালিয়া,
স্নেহময়ী মাতা যথা সুপ্ত শিশুটির মুখপানে চেয়ে চেয়ে করেন চুম্বন।
প্রভাতের সমীরণে, বিহঙ্গের গানে উষা তার সুখনিদ্ৰা দিতেন ভাঙ্গায়ে।
এইরূপে কি একটি সঙ্গীতের মত, তপনের স্বর্ণময়-কিরণে প্লাবিত
প্রভাতের একখানি মেঘের মতন, নন্দন বনের কোন অঙ্গরা-বালার
সুখময় ঘুমঘোরে স্বপনের মত কবির বালক-কাল হইল বিগত।

যৌবনে যখনি কবি করিল প্রবেশ, প্রকৃতির গীতধ্বনি পাইল শুনিতে,
বুঝিল সে প্রকৃতির নীরব কবিতা। প্রকৃতি আছিল তার সঙ্গিনীর মত।
নিজের মনের কথা যত কিছু ছিল কহিত প্রকৃতিদেবী তার কানে কানে,
প্রভাতের সমীরণ যথা চুপিচুপি কহে কুসুমের কানে মরমবারতা। নদীর
মনের গান বালক যেমন বুঝিত, এমন আর কেহ বুঝিত না। বিহঙ্গ
তাহার কাছে গাইত যেমন, এমন কাহারো কাছে গাইত না আর। তার
কাজে সমীরণ যেমন বহিত এমন কাহারো কাছে বহিত না আর। যখনি
রজনীমুখ উজলিত শশী, সুপ্ত বালিকার মত যখন বসুধা সুখের স্বপন
দেখি হাসিত নীরবে, বসিয়া তটিনীতীরে দেখিত সে কবি-- স্নান করি
জোছনায় উপরে হাসিছে সুনীল আকাশ, হাসে নিষ্প্রোতশ্বিনী; সহসা
সমীরণের পাইয়া পরশ দুয়েকটি ঢেউ কড়ু জাগিয়া উঠিছে। ভাবিত
নদীর পানে চাহিয়া চাহিয়া, নিশাই কবিতা আর দিবাই বিজ্ঞান। দিবসের
আলোকে সকলি অনাবৃত, সকলি রয়েছে খোলা চখের সমুখে--
ফুলের প্রত্যেক কাঁটা পাইবে দেখিতে। দিবালোকে চাও যদি বনভূমি-
পানে, কাঁটা খোঁচা কর্দমাক্ত বীভাস জঙ্গল তোমার চখের 'পরে হবে
প্রকাশিত; দিবালোকে মনে হয় সমস্ত জগৎ নিয়মের যন্ত্রচক্রে ঘুরিছে
ঘঘরি। কিন্তু কবি নিশাদেবী কি মোহন-মন্ত্র পড়ি দেয় সমুদয় জগতের
'পরে, সকলি দেখায় যেন স্বপ্নের মতন; ঐ স্তর নদীজলে চন্দ্রের
আলোকে পিছলিয়া চলিতেছে যেমন তরণী, তেমনি সুনীল ঐ
আকাশসলিলে ভাসিয়া চলেছে যেন সমস্ত জগৎ; সমস্ত ধ্বরে যেন
দেখিয়া নিদ্রিত, একাকী গভীর-কবি নিশাদেবী ধীরে তারকার ফুলমালা
জড়ায়ে মাথায়, জগতের গ্রন্থ কত লিখিছে কবিতা। এইরূপে সেই কবি
ভাবিত কত কি। হৃদয় হইল তার সমুদ্রের মত, সে সমুদ্রে চন্দ্র সূর্য্য গ্রহ
তারকার প্রতিবিশ্ব দিবানিশি পড়িত খেলিত, সে সমুদ্র প্রণয়ের
জোছনা-পরশে লঙ্ঘিয়া তীরের সীমা উঠিত উখলি, সে সমুদ্র আছিল
গো এমন বিস্তৃত সমস্ত পৃথিবীদেবী, পারিত বেষ্টিতে নিজ স্নিগ্ধ
আলিঙ্গনে। সে সিন্ধু-হৃদয়ে দুরন্ত শিশুর মত মুক্ত সমীরণ হৃ হৃ করি
দিবানিশি বেড়াত খেলিয়া। নিঝরিণী, সিন্ধুবেলা, পর্বতগহ্বর, সকলি
কবির ছিল সাধের বসতি। তার প্রতি তুমি এত ছিলে অনুকূল কল্পনা!
সকল ঠাই পাইত শুনিত তোমার বীণার ধ্বনি, কখনো শুনিত

প্রস্ফুটিত গোলাপের হৃদয়ে বসিয়া বীণা লয়ে বাজাইছ অস্ফুট কি গান।
কনককিরণময় উষার জলদে একাকী পাখীর সাথে গাইতে কি গীত
তাই শুনি যেন তার ভাঙ্গিত গো ঘুম! অনন্ত-তারা-খচিত নিশীথগগনে
বসিয়া গাইতে তুমি কি গভীর গান, তাহাই শুনিয়া যেন বিহ্বলহৃদয়ে
নীরবে নিশীথে যবে একাকী রাখাল সুদূর কুটীরতলে বাজাইত বাঁশী
তুমিও তাহার সাথে মিলাইতে ধ্বনি, সে ধ্বনি পশিত তার প্রাণের
ভিতর। নিশার আঁধার-কোলে জগৎ যখন দিবসের পরিশ্রমে পড়িত
ঘুমায়ে তখন সে কবি উঠি তুম্বারমন্ডিত সমুচ্চ পর্বতশিরে গাইত
একাকী প্রকৃতিবন্দনাগান মেঘের মাঝারে। সে গভীর গান তার কেহ
শুনিত না, কেবল আকাশব্যাপী স্তব্ধ তারকারা এক দৃষ্টে মুখপানে রহিত
চাহিয়া। কেবল, পর্বতশৃঙ্গ করিয়া আঁধার, সরল পাদপরাজি নিস্তব্ধ
গভীর ধীরে ধীরে শুনিত গো তাহার সে গান; কেবল সুদূর বনে
দিগন্তবালায় হৃদয়ে সে গান পশি প্রতিধ্বনিক্রমে মৃদুতর হোয়ে পুন
আসিত ফিরিয়া। কেবল সুদূর শৃঙ্গে নিবরিণী বাল্য সে গভীর গীতি-
সাথে কণ্ঠ মিশাইত, নীরবে তটিনী যেত সমুখে বহিয়া, নীরবে
নিশীথবায়ু কাঁপাত পল্লব। গভীরে গাইত কবি--"হে মহাপ্রকৃতি, কি
সুন্দর, কি মহান্ মুখশ্রী তোমার, শূন্য আকাশের পটে হে প্রকৃতিদেবি
কি কবিতা লিখেছে যে জ্বলন্ত অক্ষরে, যত দিন রবে প্রাণ পড়িয়া
পড়িয়া তবু ফুরাবে না পড়া; মিটিবে না আশ! শত শত গ্রহ তারা
তোমার কটাক্ষে কাঁপি উঠে খরখরি, তোমার নিশ্বাসে ঝটিকা বহিয়া
যায় বিশ্বচরাচরে। কালের মহান্ পক্ষ করিয়া বিস্তার, অনন্ত আকাশে
থাকি হে আদি জননি, শাবকের মত এই অসংখ্য জগৎ তোমার
পাখার ছায়ে করিছ পালন! সমস্ত জগৎ যবে আছিল বালক, দুরন্ত
শিশুর মত অনন্ত আকাশে করিত গো ছুটাছুটি না মানি শাসন, স্তনদানে
পুষ্ট করি তুমি তাহাদের অলঙ্ঘ্য সখ্যের ডোরে দিলে গো বাঁধিয়া। এ
দৃঢ় বন্ধন যদি ছিঁড়ে একবার, সে কি ভয়ানক কাণ্ড বাঁধে এ জগতে,
কক্ষচ্ছিন্ন কোটি কোটি সূর্য্য চন্দ্র তারা অনন্ত আকাশময় বেড়ায়
মাতিয়া, মণ্ডলে মণ্ডলে ঠেকি লক্ষ সূর্য্য গ্রহ চূর্ণ চূর্ণ হোয়ে পড়ে হেথায়
হোথায়; এ মহান্ জগতের ভগ্ন অবশেষ চূর্ণ নক্ষত্রের স্তূপ, খণ্ড খণ্ড গ্রহ
বিশৃঙ্খল হোয়ে রহে অনন্ত আকাশে! অনন্ত আকাশ আর অনন্ত সময়,

যা ভাবিতে পৃথিবীর কীট মানুষের ক্ষুদ্র বুদ্ধি হোয়ে পড়ে ভয়ে সঙ্কুচিত, তাহাই তোমার দেবি সাধের আবাস। তোমার মুখের পানে চাহিতে হে দেবি ক্ষুদ্র মানবের এই স্পর্ধিত জ্ঞানের দুর্বল নয়ন যায় নিমীলিত হোয়ে। হে জননি আমার এ হৃদয়ের মাঝে অনন্ত-অতৃপ্তি-তৃষ্ণা জুলিছে সদাই, তাই দেবি পৃথিবীর পরিমিত কিছু পারে না গো জুড়াইতে হৃদয় আমার, তাই ভাবিয়াছি আমি হে মহাপ্রকৃতি, মজিয়া তোমার সাথে অনন্ত প্রণয়ে জুড়াইব হৃদয়ের অনন্ত পিপাসা! প্রকৃতি জননি ওগো, তোমার স্বরূপ যত দূর জানিবারে ক্ষুদ্র মানবেরে দিয়াছ গো অধিকার সদয় হইয়া, তত দূর জানিবারে জীবন আমার করেছি ক্ষেপণ আর করিব ক্ষেপণ। ভ্রমিতেছি পৃথিবীর কাননে কাননে-- বিহঙ্গও যত দূর পারে না উড়িতে সে পর্বতশিখরেও গিয়াছি একাকী; দিবাও পশে নি দেবি যে গিরিগহ্বরে, সেথায় নির্ভয়ে আমি করেছি প্রবেশ। যখন ঝটিকা ঝঞ্ঝা প্রচণ্ড সংগ্রামে অটল পর্বতচূড়া করেছে কম্পিত, সুগভীর অশ্বুনিধি উন্মাদের মত করিয়াছে ছুটাছুটি যাহার প্রতাপে, তখন একাকী আমি পর্বত-শিখরে দাঁড়াইয়া দেখিয়াছি সে ঘোর বিপ্লব, মাথার উপর দিয়া অজস্র অশনি সুবিকট অউহাসে গিয়াছে ছুটিয়া, প্রকাণ্ড শিলার স্তূপ পদতল হোতে পড়িয়াছে ঘঘরিয়া উপত্যকা-দেশে, তুষারসঙ্ঘাতরাশি পড়েছে খসিয়া শৃঙ্গ হোতে শৃঙ্গান্তরে উলটি পালটি। অমানিশীথের কালে নীরব প্রান্তরে বসিয়াছি, দেখিয়াছি চৌদিকে চাহিয়া, সর্বব্যাপী নিশীথের অন্ধকার গর্ভে এখনো পৃথিবী যেন হতেছে সৃজিত। স্বর্গের সহস্র আঁখি পৃথিবীর 'পরে নীরবে রয়েছে চাহি পলকবিহীন, স্নেহময়ী জননীর স্নেহ-আঁখি যথা সুপ্ত বালকের পরে রহে বিকসিত। এমন নীরবে বায়ু যেতেছে বহিয়া, নীরবতা ঝাঁ ঝাঁ করি গাইছে কি গান-- মনে হয় স্তব্ধতার ঘুম পাড়াইছে। কি সুন্দর রূপ তুমি দিয়াছ উষায়, হাসি হাসি নিদ্রোখিতা বালিকার মত আধঘুমে মুকুলিত হাসিমাখা আঁখি! কি মন্ব শিখায়ে দেছ দক্ষিণ-বালাবে-- যে দিকে দক্ষিণবধূ ফেলেন নিঃশ্বাস, সে দিকে ফুটিয়া উঠে কুসুম-মঞ্জরী, সে দিকে গাহিয়া উঠে বিহঙ্গের দল, সে দিকে বসন্ত-লক্ষ্মী উঠেন হাসিয়া। কি হাসি হাসিতে জানে পূর্ণিমাশব্দরী-- সে হাসি দেখিয়া হাসে গভীর পর্বত, সে হাসি দেখিয়া হাসে উথল জলধি, সে হাসি দেখিয়া হাসে

দরিদ্র কুটীর। হে প্রকৃতিদেবি তুমি মানুষের মন কেমন বিচিত্র ভাবে
রেখেছ পূরিয়া, করুণা, প্রণয়, স্নেহ, সুন্দর শোভন—ন্যায়, ভক্তি, ধৈর্য্য
আদি সমুচ্চ মহান্-- ক্রোধ, দ্বেষ, হিংসা আদি ভয়ানক ভাব, নিরাশা
মরুর মত দারুণ বিষণ্-- তেমনি আবার এই বাহির জগৎ বিচিত্র
বেশভূষায় করেছ সজ্জিত। তোমার বিচিত্র কাব্য-উপবন হোতে তুলিয়া
সুরভি ফুল গাঁথিয়া মালিকা, তোমারি চরণতলে দিব উপহার!"
এইরূপে সুনিস্তর নিশীথ-গগনে প্রকৃতি-বন্দনা-গান গাইত সে কবি।

<poem>

"এত কাল হে প্রকৃতি করিনু তোমার স্নেহ,
তবু কেন এ হৃদয় পূরিল না দেবি?
খনো বৃকের মাঝে রয়ে ছে দারুণ শূন্য,
সে শূন্য কি এ জনমে পূরিবে না আর?
মনের মন্দির মাঝে প্রতিমা নাহিক যেন,
শুধু এ আঁধার গৃহ রয়ে ছে পড়ি য়া--
কত দিন বল দেবি বহিবে ঞ্জন শূন্য,
তা হোলে ডাকিয়ে যাবে এ মনোমন্দির!
কিছু দিন পরে আর দেখির স্নেহানে চেয়ে
পুবু হৃদয়ে র আছে ভগ্ন-অবশেষ,
সে ভগ্ন-অবশেষে-- - স্মৃতির স্মাৰি 'পরে
বসিয়া দারুণ দুখে কাঁদিতে কি হবে?
মনের অন্তর-তলে কি যে কি করিছে হুহু,
কি যেন আপন ধন নাহেকো স্নেহানে,
সে শূন্য পূরাবে দেবি ঘুরিছে পৃথিবীময়
মরুভূমে তৃষাতুর মৃগের মতন
কত মরীচিকা দেবী করেছে ছলনা মোরে,
কত ঘুরিয়াছি তার পশ্চাতে পশ্চাতে,
অবশেষে প্রান্ত হয়ে তোমাৰে পুধাই দেবি
এ শূন্য পূরিবে না কি কিছুতে আমার?
উঠিছে তপন শশী, অস্ত যাইতেছে পুনঃ,
বসন্ত শরত শীত চক্রে ফিরিতেছে;
প্রতি পদক্ষেপে আমি বাল্যকাল হোতে দেবি
ক্রমে ক্রমে কত দূর যেতেছি চলিয়া--
বাল্যকাল গেছে চলে, এগেছে যৌবন এবে,
যৌবন যাইবে চলি আসিবে বার্কক্য--
তবু এ মনের শূন্য কিছুতে কি পূরিবে না?
মন কি করিবে হুহু চিরকাল তরে?
শূনিয়াছিলাম কোন্ উদাসী যোগীর কাছে--
"মানুষের মন চায় মানুষেরি মন;
গম্ভীর সে নিশীথিনী, সূন্দর সে উষাকাল,
বিষণ্ন সে প্রায়াতনের স্নান মুখচ্ছবি,
বিস্তৃত সে অম্মুনিধি, স্মৃচ সে গিরিবর,
আঁধার সে পবুতের গহ্বর বিশাল,

অশান্ত বালক-মত কহিল কত কি!
 অসংলগ্ন কথাগুলি, মরমের ভাব আরো
 সোলামাল করি দিল প্রকাশ না করি
 কেবল অশ্রুর জলে, কেবল মুখের ভাবে
 পড়িল বালিকা তার মনের কি কথা!
 এই কথাগুলি যেন পড়িল বালিকা ধীরে--
 "কত ভাল বাসি বালা কহিব কেমনে!
 তুমিও সদয় হোয়ে, আমার স্নেহ প্রণয়ে র
 প্রতিদান দিও বালা এই ভিক্ষা চাই।"
 গড়ায়ে পড়িল ধীরে বালিকার অশ্রুজল,
 কবির অশ্রুর সাথে মিশিল কেমন-স্বক্কে তার বাধি মাথ
 "আমিও তোমারে কবি বাসি না কি ভাল?"
 কথা না স্কুরিল আর, শুবু অশ্রুজলরাশি
 অরক্ত কপোল তার করিল প্লাবিত
 এইরূপ মাঝে মাঝে অশ্রুজলে অশ্রুজলে
 নীরবে গাইত তারা প্রণয়ে র গীত
 অরণ্যে দুজনে মিলি আছিল এমন মুখে
 জসতে তারাই যেন আছিল দুজন-যেন তারা মুকোমল
 যেন তারা অপরার মুখের স্মৃতি
 আলুলিত চুলগুলি মাজাইয়। বনফুলে
 ছুটিয়। অমিত বালা কবির কাছেতে,
 একথা ওকথা লয়ে, কি যে কি কহিত বালা
 কবি ছাড়। আর কেহ বুলিতে নারিত।
 কড়ু বা মুখের পানে স্নেহে কি রহিত চেয়ে,
 গুম্বায়ে পড়িত যেন হৃদয় কবির।
 কড়ু বা কি কথা লয়ে, স্নেহে কি হাসিত হাসি,
 তেমন সরল হাসি দেখ নি কেহই
 আঁধার আমার রাস্ত্রে একাকী পবু'তশিরে
 স্নেহে সো কবির সাথে রহিত দাঁড়ায়ে,
 উনমত্ত ঝড় বৃষ্টি বিদ্যুৎ আশনি আর
 পবু'তের বুলে যবে বেড়াত মাতিয়।,
 তাহারো হৃদয় যেন নদীর তরঙ্গ-প্রাথ
 করিত সো মাতামাতি হেরি স্নেহে বিপ্লব-করিত স্নেহে ছুট
 এমন দূরন্ত মেয়ে দেখি নি ত আর!
 কবি যা কহিত কথা শুনিত কেমন ধীরে,
 কেমন মুখের পানে রহিত চাহিয়।।
 বনদেবতার মত এমন স্নেহে এলোথেলো,
 কখনো দূরন্ত অতি ঝটিকা যেমন,

কখনো এমন শান্ত প্রভাতের বায়ু যথা
 নীরবে শূনে গোগে যবে পাখীর স্রষ্টীত
 কিন্তু, কলপনা, যদি কবির হৃদয় দেখে
 দেখিবে এখনো তাহা পূর্ণ হয় নাহি
 এখনো কহিছে কবি, "আরো দাও ভালবাসা,
 আরো জানো' ভালবাসা হৃদয়ে আমার।"
 প্রেমের অমৃতধারা এত যে করেছে পান,
 তবু মিটিল না কেন প্রণয় পিপাসা?
 প্রেমের জোছনাধারা যত ছিল ঢালি বাল্য
 কবির সমুদ্র-হৃদি পারে নি পুরিতে
 স্মৃতিধীন বিহঙ্গ-স্রম, কবিদের তরে দেবি
 পৃথিবীর কারাগার যোগ্য নহে রুডু।
 অমন সমুদ্র-স্রম আছে যাহাদের মন
 তাহাদের তরে দেবি নহে এ পৃথিবী।
 তাদের উদার মন অকাশে উড়ি তে যায়,
 গিঙেরে ঠেকিয়া পক্ষ নিশ্চয় পড়ে পুনঃ,
 নিরাশায় অবশেষে ভেসে চূরে যায় মন,
 জঙ্গ পুরায় তার অকুল বিলাপে।
 কবির সমুদ্র-বুক পুরাতে পারিবে কিম্বে
 প্রেম দিয়া পক্ষু উই বনের বালিকা।
 কাতর কন্দনে আহা আজিও কাঁদিল কবি,
 "এখনও পূরিল না প্রাণের শূন্যতা।"
 বালিকার কাছে গিয়া কাতরে কহিল কবি,
 "আরো দাও ভালবাসা হৃদয়ে ঢালিয়া।"
 আমি যত ভালবাসি তত দাও ভালবাসা,
 নহিলে গোগে পুরাবে না এ প্রাণের শূন্যতা।"
 শুনিয়া কবির কথা কাতরে কহিল বাল্য,
 "যা ছিল আমার কবি দিযে ছি মকলি--
 এ হৃদয়, এ পরাণ, মকলি তোমার কবি,
 মকলি তোমার প্রেমে দেছি বিসর্জন।
 তোমার ইচ্ছার মাথে ইচ্ছা মিশায়ে ছি মোর,
 তোমার স্রুথের মাথে মিশায়ে ছি স্রুথ।"
 সে কথা শুনিয়া কবি কহিল কাতর স্রুবে,
 "প্রাণের শূন্যতা তবু ঘটিল না কেন?
 উই হৃদয়ে র মাথে মিশাতে চাই এ হৃদি,
 দেহের আড়াল তবে রহিল গোগে কেন?
 স্মারাদিন স্মাৰ্থ যায় স্মৃধাই মনের কথা,
 এত কথা তব কেন পাই না খুঁজিয়া?

আমার ব্যথার মক্ষ্ম- কারে বুঝাইবে বল-বুঝাই
 যদি কেহ বলে দেবি "তোমার কিমে দুখ,
 হৃদয়ে র বিনিময়ে পেয়ে ছ হৃদয়,
 তবে কাল্পনিক দুখে এত কেন স্নিগ্ধ মাণ?'
 তবে কি বলিয়। আমি দিব গো উত্তর?
 উপায় থাকিতে তব যে গ্রহে বিষাদঙ্কুরালা
 পৃথিবী তাহারি কষ্টে হয় গো ব্যথিত--
 আমার এ বিষাদের উপায় নাইক কিছু,
 কারণ কি তাও দেবি পাই না খুঁজিয়।।
 পৃথিবী আমার কষ্টে বুঝুক বা না বুঝুক,
 নলিনীরে কি বলিয়। বুঝাইব দেবি?
 তাহারে স্যামান্য কথা গোপন করিলে পরে
 হৃদয়ে কি কষ্ট হয় হৃদয় তা জানে।
 এত তারে ভালবাসি, তবু কেন মনে হয়,
 ভালবাসা হইল না আশ মিটাইয়।।
 আঁধার সমুদ্রতলে কি যেন বেড়াই খুঁজে,
 কি যেন পাইতেছি না চাহিতেছি যাহা।
 বুকের যেখানে তারে রাখিতে চাই গো আমি
 যেখানে পাই নে যেন রাখিতে তাহারে--
 তাইতে অন্তর বুক এখনো পূরিতেছে না,
 তাইতে এখনো শূন্য রয়ে ছে হৃদয়।।"
 কবির প্রণয় স্নিকু ক্ষুদ্র বালিকার মন
 বেখেছিল মগ্ন করি অসাধ মালিনে--
 উপরে যে ঝড় ঝঞ্ঝা কত কি বহিয়। যেত
 নিশ্চয় তার কোলাহল পেত না শূন্যে,
 প্রণয়ে র অবিচ্ছিন্ন নিয় তনুতন তবু
 তরঙ্গের কলধ্বনি শূন্যে কেবল,
 সেই একতান ধ্বনি শূন্যে পূন্যে পূন্যে তার
 হৃদয় পড়ি য।ছিল গুম্বায়ে কেমন!
 বনের বালিকা আহা সে গুম্বায়ে বিহ্বল হোয়ে
 কবির হৃদয়ে রাখি অবশ মস্তক
 স্মরণের স্মরণ শূন্যে দেখিত দিবস রাত,
 হৃদয়ে র হৃদয়ে র অনন্ত মিলন।
 বালিকার সে হৃদয়ে সে প্রণয় মগ্ন হৃদে,
 অবশিষ্ট আছিল না এক তিল স্থান--
 আর কিছু জানিত না, আর কিছু ভাবিত না,
 শূন্যে সে বালিকা ভাল বাসিত কবিরে।
 শূন্যে সে কবির গান কত যে লাগিত ভাল,

শূনে শূনে শূনা তার ফুরাত না অরা
 শূধু মে কবির নেত্র কি এক সুগমীয় জ্যোতি
 বিকীরিত, তাই হেরি হইত বিহ্বল!
 শূধু মে কবির কোলে ঘুমাতে বাসিত ডাল,
 কবি তার চুল লয়ে করিত কি খেলা।
 শূধু মে কবিরে বাল্য শূনেতে বাসিত ডাল
 কত কি--কত কি কথা অর্থ নাই যার,
 কিন্তু মে কথায় কবি কত যে পাইত অর্থ
 গভীর মে অর্থ নাই কত কবিতার--
 মেই অর্থহীন কথা, হৃদয়ে র ডাব যত
 প্রকাশ করিতে পারে না এমন কিছূ না।
 একদিন বালিকাৰে কবি মে কহিল গিয়।--
 "নলিনি! চলিনু আমি দ্রমিতে পৃথিবী!
 আর একবার বাল্য কাশ্মীরের বনে বনে
 যাই সো শূনিতে আমি পাখীর কবিতা!
 বুসিয়।র হিমক্ষেত্রে আফ্রিকার মরুভূমে
 আর একবার আমি করি সে দ্রমণ!
 এইখানে থাক তুমি, ফিরিয়। আসিয়। পুনঃ
 উই মধুমুখ্যানি করিব চুম্বন।"
 এতক কহিয়। কবি নীরবে চলিয়। গেল
 সোপনে মুছিয়। ফেলি নয় নের জল।
 বালিকা নয় ন তুলি নীরবে রহিল চাহি,
 কি দেখিছে মেই জানে অনিমিষ চখে।
 প্রকৃতা হোয়ে এল ক্রমে তবুও রহিল চাহি,
 তবুও ত পড়িল না নয় নে নিমেষ।
 অনিমিষ নেত্র ক্রমে করিয়। প্লাবিত
 একবিন্দু দুইবিন্দু ঝরিল মলিল।
 বাহুতে লুকায়ে মুখ কাতর বালিকা
 মক্ষ্মভেদী অশ্রুজলে করিল বোদন।
 হা-হা কবি কি করিলে, ফিরে দেখ, ফিরে এস,
 দিও না বালার হৃদে অমন অঘাত--
 নীরবে বালার আহা কি বজ্র বেজেছে বুকে,
 গিয়।ছে কোমল মন ভাসিয়। চুরিয়।!
 হা কবি অমন কোরে অনর্থক তার মনে
 কি অঘাত করিলে যে বুকিলে না তাহা?
 এত কাল মুখস্থ পন ডুবায়ে রাখিয়। মন,
 এত দিন পরে তাহা দিবে কি ভাসিয়।?
 কবি ত চলিয়। যায় -- প্রকৃতা হোয়ে এল ক্রমে,

আঁধারে কাননভূমি হইল গম্ভীর--
 একটি নড়ে না পাতা, একটু বহে না বায়ু,
 স্তম্ভ বন কি যেন কি ডাবিছে নীরবে!
 তখন বনান্ত হোতে স্রুধীরে শুনিল কবি
 উঠিছে নীরব শূন্যে বিষণ্ণ গ্রন্থীত--
 তাই শূনি বন যেন রয়েছে নীরবে অতি,
 জোনাকি নয়, ন শূধু মেলিছে মুদিছে
 একবার কবি শূধু চাহিল কুটীরপানে,
 কাতরে বিদায় মাগি বনদেবী-কাছে
 নয়নের জল মুছি-- য়ে দিকে নয়, ন চলে
 য়ে দিকে পথিক কবি যাইল চলিয়া।

গ্রন্থীত

কেন ভালবাসিলে অন্মায় ?
 কিছুই নাইক গুণ, কিছুই জানি না আমি,
 কি আছে? কি দিয়ে তব তুষিব হৃদয় !
 যা অন্মার ছিল প্রার্থ্য প্রকলি করিছি আমি
 কিছুই করি নি দোষ চরণে তোমার,
 শূধু ভাল বাসিয়াছি, শূধু এ পরান মন
 উপহার প্রঁপিয়ছি তোমার চরণে।
 তাতেও তোমার মন তুষিতে নারিনু যদি
 তবে কি করিব বল, কি আছে অন্মার?
 গেলে যদি, গেলে চলি, যাও যেথা ভাল লাগে--
 একবার মনে কোরো দীন অধীনীকে।
 ভ্রমিতে ধরার মাঝে যত ভালবাসা পাবে,
 তাতে যদি ভাল থাক তাই হোক, তবে--
 তবু একবার যদি মনে কর নলিনীকে
 যে দুখিনী, যে তোমাতে এত ভালবাসে!
 কি করিলে মন তব পারিতাম জুড়াইতে
 যদি জানিতাম কবি করিতাম তাহা!
 আমি অতি অভাগিনী জানি না বলিয়া যেন
 বিরক্ত হোয়ে, না কবি এই ভিক্ষা দাও!
 না জানিয়া, না শুনিয়া, যদি দোষ করে থাকি,
 ক্ষুদ্র আমি, ক্ষমা তবে করিয়ে, না অন্মারে--
 তুমি ভাল থেকেও কবি, ক্ষুদ্র এক কাঁটা যেন
 ফুটে না তোমার পায়ে, ভ্রমিতে পৃথিবী।
 জননি, কোথায় তুমি বেখে গেলে দুহিতারে?

কত দিন একা একা কাটালাম হেথা,
 একেলা তুলিয়ে।। ফুল কত মালা গাঁথিতাম,
 একেলা কাননময় করিতাম খেলা!
 তোমার বীণাটি ল'য়ে, উঠিয়ে।। পবু'তপিরে
 একেলা আপন মনে গাইতাম গান--
 হরিণশিশুটি মোর বসিত পায়ে'র তলে,
 পাখীটি কাঁধের 'পরে শুনিত নীরবে
 এইরূপ কত দিন কাটালেম বনে বনে,
 কত দিন পরে তবে এলে তুমি কবি!
 তখন তোমারে কবি কি যে ডালবামিলাম
 এত ডাল কাহারেও বামি নাই কভু।
 দূর স্মরণের এক জ্যোতিষ্ময় দেব-সম
 কত বার মনে মনে করেছি প্রণাম
 দূর থেকে আঁখি উরি দেখিতাম মুখখানি,
 দূর থেকে শুনিতাম মধুময় গান।
 যে দিন আপনি আমি কহিলে আমার কাছে
 ক্ষুদ্র এই বালিকারে ডালবাম তুমি,
 যে দিন কি হর্ষে কবি কি আনন্দে কি উচ্ছ্বাসে
 ক্ষুদ্র এ হৃদয় মোর ফেটে গেল যেন।
 আমি কোথাকার কেবা! আমি ক্ষুদ্র হোতে ক্ষুদ্র,
 সুরগের দেবতা তুমি ডালবাম মোরে?
 এত স্রোভাস্য, কবি, কখনো করি নি আশা--
 কখনো মুহূর্ত'-তরে জানি নি স্মরণে
 যেথায় যাও-না কবি, যেথায় থাক-না তুমি,
 অমরণ তোমারেই করিব অর্চনা।
 মনে রাখ নাই রাখ, তুমি যেন স্মৃখে থাক
 দেবতা! এ দুঃখিনীর শুন গো প্রার্থনা।

<poem>

কত দেশ দেশান্তরে ত্রিমিল স্নেহ কবি!

তুষারস্তুভিত গিরি করিল লঙ্ঘন, সুতীক্ষ্ণকণ্টকময় অরণ্যের বুক
মাড়াইয়া গেল চলি রক্তময় পদে। কিন্তু বিহঙ্গের গান, নিৰ্ব্বরের ধ্বনি,
পারে না জুড়াতে আর কবির হৃদয়। বিহগ, নিৰ্ব্বর-ধ্বনি প্রকৃতির গীত-
- মনের যে ভাগে তার প্রতিধ্বনি হয় সে মনের তন্ত্রী যেন হয়েছে
বিকল। একাকী যাহাই আগে দেখিত সে কবি তাহাই লাগিত তার
কেমন সুন্দর, এখন কবির সেই একি হোলো দশা-- যে প্রকৃতি-শোভা-
মাঝে নলিনী না থাকে ঠেকে তা শূন্যের মত কবির নয়নে, নাইক দেবতা
যেন মন্দিরমাঝারে। বালার মুখের জ্যোতি করিত বর্ধন প্রকৃতির
রূপচ্ছটা দ্বিগুণ করিয়া; সে না হোলে অমবস্যানিশির মতন সমস্ত
জগৎ হোত বিষম আঁধার।

--

জ্যোৎস্নায় নিমগ্ন ধরা, নীরব রজনী। অরণ্যের অন্ধকারময় গাছগুলি
মাথার উপরে মাখি রজত জোছনা, শাখায় শাখায় ঘন করি
জড়াজড়ি, কেমন গম্ভীরভাবে রোয়েছে দাঁড়ায়ে। হেথায় ঝোপের মাঝে
প্রচ্ছন্ন আঁধার, হোথায় সরসীবক্ষে প্রশান্ত জোছনা। নভপ্রতিবিম্বশোভী
ঘুমন্ত সরসী চন্দ্র তারকার স্বপ্ন দেখিতেছে যেন! লীলাময় প্রবাহিনী
চলেছে ছুটিয়া, লীলাভঙ্গ বৃকে তার পাদপের ছায়া ভেঙ্গে চুরে কত শত
ধরিছে মূৰতি। গাইছে রজনী কিবা নীরব সঙ্গীত! কেমন নীরব বন
নিস্কন্ধ গম্ভীর-- শুধু দূর-শৃঙ্গ হোতে ঝরিছে নিৰ্ব্বর, শুধু একপাশ দিয়া
সঙ্কুচিত অতি তটিনীটি সর সর যেতেছে চলিয়া। অধীর বসন্তবায়ু মাঝে
মাঝে শুধু ঝরঝরি কাঁপাইছে গাছের পল্লব। এহেন নিস্কন্ধ রাত্রি কত
বার আমি গম্ভীর অরণ্যে একা কোরেছি ভ্রমণ। স্নিগ্ধ রাত্রি গাছপালা
ঝিমাইছে যেন, ছায়া তার পোড়ে আছে হেথায় হোথায়। দেখিয়াছি
নীরবতা যত কথা কয় প্রাণের মরম-তলে, এত কেহ নয়। দেখি যবে

অতি শান্ত জোছনায় মজি নীরবে সমস্ত ধরা রয়েছে ঘুমায়ে, নীরবে পরশে দেহ বসন্তের বায়, জানি না কি এক ভাবে প্রাণের ভিতর উচ্ছ্বসিয়া উথলিয়া উঠে গো কেমন! কি যেন হারায়ে গেছে খুঁজিয়া না পাই, কি কথা ডুলিয়া যেন গিয়েছি সহসা, বলা হয় নাই যেন প্রাণের কি কথা, প্রকাশ করিতে গিয়া পাই না তা খুঁজি! কে আছে এমন যার এ হেন নিশীথে, পুরাণো সুখের স্মৃতি উঠে নি উথলি! কে আছে এমন যার জীবনের পথে এমন একটি সুখ যায় নি হারায়ে, যে হারা-সুখের তরে দিবা নিশি তার হৃদয়ের এক দিক শূন্য হয়ে আছে। এমন নীরব-রাত্রে সে কি গো কখনো ফেলে নাই মর্ষভেদী একটি নিশ্বাস? কর স্থানে আজ রাত্রে নিশীথপ্রদীপে উঠিছে প্রমোদধ্বনি বিলাসীর গৃহে। মুহূর্ত্ত ভাবে নি তারা আজ নিশীথেই কত চিত্ত পুড়িতেছে প্রচ্ছন্ন অনলে। কত শত হতভাগা আজ নিশীথেই হারায়ে জন্মের মত জীবনের সুখ মর্ষভেদী যন্ত্রণায় হইয়া অধীর একেলাই হা হা করি বেড়ায় ভ্রমিয়া!

--

ঝোপে-ঝোপে ঢাকা ওই অরণ্যকুটীর। বিষম নলিনীবালা শূন্য নেত্র মেলি চাঁদের মুখের পানে রয়েছে চাহিয়া! জানি না কেমন কোরে বালার বুকের মাঝে সহসা কেমন ধারা লেগেছে আঘাত-- আর সে গায় না গান, বসন্ত ঋতুর অন্তে পাপিয়ার কণ্ঠ যেন হয়েছে নীরব। আর সে লইয়া বীণা বাজায় না ধীরে ধীরে, আর সে ভ্রমে না বালা কাননে কাননে। বিজন কুটীরে শুধু মরণশয্যার 'পরে একেলা আপন মনে রয়েছে শুইয়া। যে বালা মুহূর্ত্তকাল স্থির না থাকিত কড়ু, শিখরে নির্ঝরে বনে করিত ভ্রমণ—কখনো তুলিত ফুল, কখনো গাঁথিত মালা, কখনো গাইত গান, বাজাইত বীণা-- সে আজ এমন শান্ত, এমন নীরব স্থির! এমন বিষম শীর্ণ সে প্রফুল্ল মুখ! এক দিন, দুই দিন, যেতেছে কাটিয়া ক্রমে-- মরণের পদশব্দ গণিছে সে যেন! আর কোন সাধ নাই, বাসনা রয়েছে শুধু কবিরে দেখিয়া যেন হয় গো মরণ। এ দিকে পৃথিবী ভ্রমি সহিয়া ঝটিকা কত ফিরিয়া আসিছে কবি কুটীরের পানে, মধ্যাহ্নের বৌদ্রে যথা জুলিয়া পুড়িয়া পাখী সন্ধ্যায় কুলায়ে তার আইসে ফিরিয়া।

বহুদিন পরে কবি পদাৰ্পিল বনভূমে, বৃক্ষলতা সবি তার পরিচিত সখা!
তেমনি সকলি আছে, তেমনি গাইছে পাখী, তেমনি বহিছে বায়ু ঝর ঝর
করি। অধীরে চলিল কবি কুটীরের পানে-- দুয়ারের কাছে গিয়া দুয়ারে
আঘাত দিয়া ডাকিল অধীর স্বরে, নলিনী! নলিনী! কিছু নাই সাড়া
শব্দ, দিল না উত্তর কেহ, প্রতিধ্বনি শুধু তারে করিল বিদ্রূপ। কুটীরে
কেহই নাই, শূন্য তা রয়েছে পড়ি-- বেষ্টিত বিতণ্ডী বীণা লুতাতত্ত্বজালে।
ভ্রমিল আকুল কবি কাননে কাননে, ডাকিয়া সম্মুখ স্বরে, নলিনী!
নলিনী! মিলিয়া কবির স্বরে বনদেবী উচ্চস্বরে ডাকিল কাতরে আহা,
নলিনী! নলিনী! কেহই দিল না সাড়া, শুধু সে শব্দ শূন্য হরিণেরা
ত্রস্ত উঠিল জাগিয়া। অবশেষে গিরিশৃঙ্গে উঠিল কাতর কবি, নলিনীর
সাথে যেথা থাকিত বসিয়া। দেখিল সে গিরি-শৃঙ্গে, শীতল তুষার-
'পরে, নলিনী ঘুমায়ে আছে স্নানমুখচ্ছবি। কঠোর তুষারে তার এলায়ে
পড়েছে কেশ, খসিয়া পড়েছে পাশে শিথিল আঁচল। বিশাল নয়ন তার
অর্ধনিম্নীলিত, হাত দুটি ঢাকা আছে অনাবৃত বুক। একটি হরিণশিশু
খেলা করিবার তরে কড়ু বা অঞ্চল ধরি টানিতেছে তার, কড়ু শৃঙ্গ দুটি
দিয়া সুধীরে দিতেছে ঠেলি, কড়ু বা অবাক্ নেত্রে রহিছে চাহিয়া! তবু
নলিনীর ঘুম কিছুতেই ভাঙিছে না, নীরবে নিস্পন্দ হয়ে রয়েছে
ভূতলে। দূর হোতে কবি তারে দেখিয়া কহিল উচ্চে, "নলিনী, এয়েছি
আমি দেখে স বালিকা।" তবুও নলিনী বালা না দিয়া উত্তর শীতল
তুষার-'পরে রহিল ঘুমায়ে। কবি সে শিখর-'পরে করি আরোহণ শীতল
অধর তার করিল চুম্বন—শিহরিয়া চমকিয়া দেখিল সে কবি না নড়ে
হৃদয় তার, না পড়ে নিশ্বাস। দেখিল না, ভাবিল না, কহিল না কিছু,
যেমন চাহিয়া ছিল রহিল চাহিয়া। নিদারুণ কি যেন কি দেখিছে তরাসে
নয়ন হইয়া গেল অচল পাষণ। কতক্ষণে কবি তবে পাইল চেতন,
দেখিল তুষারশুভ্র নলিনীর দেহ হৃদয়জীবনহীন জড় দেহ তার অনুপম
সৌন্দর্যের কুসুম-আলয়, হৃদয়ের মরমের আদরের ধন—তৃণ কাষ্ঠ সম
ভূমে যায় গড়াগড়ি! বুক তারে তুলে লয়ে ডাকিল "নলিনী", হৃদয়ে
রাখিয়া তারে পাগলের মত কবি কহিল কাতর স্বরে "নলিনী"
"নলিনী"! স্পন্দহীন, রক্তহীন অধর তাহার অধীর হইয়া ঘন করিল
চুম্বন।

--

তার পর দিন হোতে সে বনে কবিরে আর পেলে না দেখিতে কেহ, গেছে
সে কোথায়! ঢাকিল নলিনীদেহ তুম্বারসমাধি-- ক্রমে সে কুটীরখানি
কোথা ভেঙ্গে চুরে গেল, ক্রমে সে কানন হোলো গ্রাম লোকালয়, সে
কাননে--কবির সে সাধের কাননে অতীতের পদচিহ্ন রহিল না আর।

<poem>

"এ তবে স্রুপন শূধু, বিশ্বের মতন

আবার মিলায়ে গেল নিদ্রার সমুদ্রে! সারারাত নিদ্রার করিনু আরাধনা--
যদি বা আইল নিদ্রা এ শ্রান্ত নয়নে, মরীচিকা দেখাইয়া গেল গো মিলায়ে!
হা স্বপ্ন, কি শক্তি তোরা, এ হেন মূর্তি মুহূর্তের মধ্যে তুই ডাঙ্গিলি,
গড়িলি? হা নিষ্ঠুর কাল, তোরা এ কিরূপ খেলা-- সত্যের মতন গড়িলি
প্রতিমা, স্বপ্নের মতন তাহা ফেলিলি ডাঙ্গিয়া? কালের সমুদ্রে এক
বিশ্বের মতন উঠিল, আবার গেল মিলায়ে তাহাতে? না না, তাহা নয়
কভু, নলিনী, সে কি গো কালের সমুদ্রে শুধু বিশ্বটির মত! যাহার
মোহিনী মূর্তি হৃদয়ে হৃদয়ে শিরায় শিরায় আঁকা শোণিতের সাথে, যত
কাল রব বেঁচে যার ভালবাসা চিরকাল এ হৃদয়ে রহিবে অক্ষয়, সে
বালিকা, সে নলিনী, সে স্বর্গপ্রতিমা, কালের সমুদ্রে শুধু বিশ্বটির মত
তরঙ্গের অভিঘাতে জন্মিল মিশিল? না না, তাহা নয় কভু, তা যেন না
হয়! দেহকারাগারমুক্ত সে নলিনী এবে সুখে দুখে চিরকাল সম্পদে
বিপদে আমারই সাথে সাথে করিছে ভ্রমণ। চিরহাস্যময় তার প্রেমদৃষ্টি
মেলি আমারি মুখের পানে রয়েছে চাহিয়া। রক্ষক দেবতা সম আমারি
উপরে প্রশান্ত প্রেমের ছায়া রেখেছে বিছায়ে। দেহকারাগারমুক্ত হইলে
আমিও তাহার হৃদয়সাথে মিশাব হৃদয়। নলিনী, আছ কি তুমি, আছ
কি হেথায়? একবার দেখা দেও, মিটাও সন্দেহ! চিরকাল তবে তোরে
ভুলিতে কি হবে? তাই বন্ নলিনী লো, বন্ একবার! চিরকাল আর
তোরে পাব না দেখিতে, চিরকাল আর তোরা হৃদয়ে হৃদয় পাব না কি
মিশাইতে, বন্ একবার। মরিলে কি পৃথিবীর সব যায় দূরে? তুই কি
আমারে ভুলে গেছিস্ নলিনি? তা হোলে নলিনি, আমি চাই না মরিতে।
তোরা ভালবাসা যেন চিরকাল মোরা হৃদয়ে অক্ষয় হোয়ে থাকে গো
মুদ্রিত-- কষ্ট পাই পাব, তবু চাই না ভুলিতে! তুমি নাহি থাক যদি
তোমার স্মৃতিও থাকে যেন এ হৃদয় করিয়া উজ্জ্বল! এই ভালবাসা
যাহা হৃদয়ে মরমে অবশিষ্ট রাখে নাই এক তিল স্থান, একটি পার্থিব ক্ষুদ্র

নিশ্বাসের সাথে মুহূর্তে না পালটিতে আঁখির পলক ক্ষণস্থায়ী কুসুমের
সুরভের মত শূন্য এই বায়ুশ্রোতে যাইবে মিশায়ে? হিমাদ্রির এই শুষ্ক
আঁধার গহ্বরে সময়ের পদক্ষেপ গণিতেছি বসি, ভবিষ্যৎ ক্রমে
হইতেছে বর্তমান, বর্তমান মিশিতেছে অতীতসমুদ্রে। অস্ত যাইতেছে
নিশি, আসিছে দিবস, দিবস নিশার কোলে পড়িছে ঘুমায়ে। এই
সময়ের চক্র ঘুরিয়া নীরবে পৃথিবীতে মানুষেরে অলক্ষিতভাবে
পরিবর্তনের পথে যেতেছে লইয়া, কিন্তু মনে হয় এই হিমাদ্রীর বুকে
তাহার চরণ-চিহ্ন পড়িছে না যেন। কিন্তু মনে হয় যেন আমার হৃদয়ে
দুর্দাম সময়শ্রোত অবিরামগতি, নূতন গড়ে নি কিছু, ভাঙ্গে নি পুরাণো।
বাহিরের কত কি যে ভাঙ্গিল চূরিল, বাহিরের কত কি যে হইল নূতন,
কিন্তু ভিতরের দিকে চেয়ে দেখ দেখি-- আগেও আছিল যাহা এখনো তা
আছে, বোধ হয় চিরকাল থাকিবে তাহাই! বরষে বরষে দেহ যেতেছে
ভাঙ্গিয়া, কিন্তু মন আছে তবু তেমনি অটল। নলিনী নাইকো বটে
পৃথিবীতে আর, নলিনীতে ভালবাসি তবুও তেমনি। যখন নলিনী ছিল,
তখন যেমন তার হৃদয়ের মূর্তি ছিল এ হৃদয়ে, এখনো তেমনি তাহা
রয়েছে স্থাপিত। এমন অন্তরে তারে রেখেছি লুকায়ে, মরমের মর্মস্থলে
করিতেছি পূজা, সময় পারে না সেথা কঠিন আঘাতে ভাঙ্গিবারে এ
জনমে সে মোর প্রতিমা, হৃদয়ের আদরের লুকানো সে ধন! ভেবেছি
এক বার এই-যে বিষাদ নিদারুণ তীব্র শ্রোতে বহিছে হৃদয়ে এ বুঝি হৃদয়
মোর ভাঙ্গিবে চূরিবে-- পারে নি ভাঙ্গিতে কিন্তু এক তিল তাহা, যেমন
আছিল মন তেমনি রয়েছে! বিষাদ যুঝিয়াছিল প্রাণপণে বটে, কিন্তু এ
হৃদয়ে মোর কি যে আছে বল, এ দারুণ সমরে সে হইয়াছে জয়ী। গাও
গো বিহগ তব প্রমোদের গান, তেমনি হৃদয়ে তার রবে প্রতিধ্বনি!
প্রকৃতি! মাতার মত সুপ্রসন্ন দৃষ্টি যেমন দেখিয়াছি ছেলেবেলা আমি,
এখনো তেমনি যেন পেতেছি দেখিতে। যা কিছু সুন্দর, দেবি, তাহাই
মঙ্গল, তোমার সুন্দর রাজ্যে হে প্রকৃতিদেবি তিল অমঙ্গল কড়ু পারে না
ঘটিতে। অমন সুন্দর আহা নলিনীর মন, জীবন সৌন্দর্য, দেবি তোমার
এ রাজ্যে অনন্ত কালের তরে হবে না বিলীন। যে আশা দিয়াছ হৃদে
ফলিবে তা দেবি, এক দিন মিলিবেক হৃদয়ে হৃদয়। তোমার
আশ্বাসবাক্যে হে প্রকৃতিদেবি, সংশয় কখনো আমি করি না স্বপনে!

বাজাও রাখাল তব সরল বাঁশরী! গাও গো মনের সাথে প্রমোদের গান! পাখীরা মেলিয়া যবে গাইতেছে গীত, কানন ঘেরিয়া যবে বহিতেছে বায়ু, উপত্যকাময় যবে ফুটিয়াছে ফুল, তখন তোদের আর কিসের ভাবনা? দেখি চিরহাস্যময় প্রকৃতির মুখ, দিবানিশি হাসিবারে শিখেছিহু তোরা! সমস্ত প্রকৃতি যবে থাকে গো হাসিতে, সমস্ত জগৎ যবে গাহে গো সঙ্গীত, তখন ত তোরা নিজ বিজন কুটীরে ক্ষুদ্রতম আপনার মনের বিষাদে সমস্ত জগৎ ভুলি কাঁদিস না বসি! জগতের, প্রকৃতির ফুল মুখ হেরি আপনার ক্ষুদ্র দুঃখ রহে কি গো আর? ধীরে ধীরে দূর হোতে আসিছে কেমন বসন্তের সুরভিত বাতাসের সাথে মিশিয়া মিশিয়া এই সরল রাগিনী। একেক রাগিনী আছে করিলে শ্রবণ মনে হয় আমরা তা প্রাণের রাগিনী-- সেই রাগিনীর মত আমার এ প্রাণ, আমার প্রাণের মত যেন সে রাগিনী! কখন বা মনে হয় পুরাতন কাল এই রাগিনীর মত আছিল মধুর, এমনি স্বপনময় এমনি অক্ষুট-- পাই শুনি ধীরি ধীরি পুরাতন স্মৃতি প্রাণের ভিতরে যেন উথলিয়া উঠে!"

ক্রমে কবি যৌবনের ছাড়াইয়া সীমা, গভীর বার্কক্যে আসি হোলো উপনীত! সুগভীর বৃদ্ধ কবি, স্কন্ধে আসি তার পড়েছে ধবল জটা অযত্নে লুটায়! মনে হোতো দেখিলে সে গভীর মুখশ্রী হিমাঙ্গি হোতেও বুঝি সমুচ্চ মহান! নেত্র তাঁর বিকীরিত কি স্বর্গীয় জ্যোতি, যেন তাঁর নয়নের শান্ত সে কিরণ সমস্ত পৃথিবীময় শান্তি বরষিবে। বিস্তীর্ণ হইয়া গেল কবির সে দৃষ্টি, দৃষ্টির সম্মুখে তার, দিগন্তও যেন খুলিয়া দিত গো নিজ অভেদ্য দুয়ার। যেন কোন দেববালা কবিরে লইয়া অনন্ত নক্ষত্রলোকে কোরেছে স্থাপিত-- সামান্য মানুষ যেথা করিলে গমন কহিত কাতর স্বরে ঢাকিয়া নয়ন, "এ কি রে অনন্ত কাণ্ড, পারি না সহিতে!" সন্ধ্যার আঁধারে হোথা বসিয়া বসিয়া, কি গান গাইছে কবি, শুন কলপনা। কি "সুন্দর সাজিয়াছে ওগো হিমালয় তোমার বিশালতম শিখরের শিরে একটি সন্ধ্যার তারা! সুনীল গগন ভেদিয়া, তুষারশুভ্র মস্তক তোমার! সরল পাদপরাজি আঁধার করিয়া উঠেছে তাহার পরে; সে ঘোর অরণ্য ঘেরিয়া হুঁহু করি তীব্র শীতবায়ু দিবানিশি ফেলিতেছে বিষম নিশ্বাস! শিখরে শিখরে ক্রমে নিভিয়া আসিল অন্তিম তপনের আরক্ত কিরণে প্রদীপ্ত জলদর্শন। শিখরে শিখরে

মলিন হইয়া এল উজ্জ্বল তুষার, শিখরে শিখরে ক্রমে নামিয়া আসিল
আঁধারের যবনিকা ধীরে ধীরে ধীরে! পৰ্ব্বতের বনে বনে গাঢ়তর হোলো
ঘুমময় অন্ধকার। গভীর নীরব! সাড়াশব্দ নাই মুখে, অতি ধীরে ধীরে
অতি ভয়ে ভয়ে যেন চলেছে তটিনী সুগভীর পৰ্ব্বতের পদতল দিয়া!
কি মহান্! কি প্রশান্ত! কি গভীর ভাব! ধরার সকল হোতে উপরে
উঠিয়া স্বর্গের সীমায় রাখি ধবল জটায় জড়িত মস্তক তব ওগো
হিমালয় নীরব ভাষায় তুমি কি যেন একটি গভীর আদেশ ধীরে করিছ
প্রচার! সমস্ত পৃথিবী তাই নীরব হইয়া শুনিছে অনন্যমনে সভয়ে
বিস্ময়ে। আমিও একাকী হেথা রয়েছি পড়িয়া, আঁধার মহা-সমুদ্রে
গিয়াছি মিশায়ে, ক্ষুদ্র হোতে ক্ষুদ্র নর আমি, শৈলরাজ! অকূল সমুদ্রে
ক্ষুদ্র তৃণটির মত হারাইয়া দিগ্বিদিক্, হারাইয়া পথ, সভয়ে বিস্ময়ে, হোয়ে
হতজ্ঞানপ্রায় তোমার চরণতলে রয়েছি পড়িয়া। উর্দ্ধমুখে চেয়ে দেখি
ভেদিয়া আঁধার শূন্যে শূন্যে শত শত উজ্জ্বল তারকা, অনিমিষ
নেত্রগুলি মেলিয়া যেন বে আমারি মুখের পানে রয়েছে চাহিয়া। ওগো
হিমালয়, তুমি কি গভীর ভাবে দাঁড়ায়ে রয়েছ হেথা অচল অটল,
দেখিছ কালের লীলা, করিছ গননা, কালচক্র কত বার আইল ফিরিয়া!
সিন্ধুর বেলার বক্ষে গড়ায় যেমন অযুত তরঙ্গ, কিছু লক্ষ্য না করিয়া
কত কাল আইল বে, গেল কত কাল হিমাদ্রি তোমার ওই চক্ষের
উপরি। মাথার উপর দিয়া কত দিবাকর উলটি কালের পৃষ্ঠা গিয়াছে
চলিয়া। গভীর আঁধারে ঢাকি তোমার ও দেহ কত রাত্রি আসিয়াছে
গিয়াছে পোহায়ে। কিন্তু বল দেখি ওগো হিমালয়গিরি মানুষসৃষ্টির অতি
আরম্ভ হইতে কি দেখিছ এইখানে দাঁড়ায়ে দাঁড়ায়ে? যা দেখিছ যা দেখেছ
তাতে কি এখনো সর্ব্বাঙ্গ তোমার গিরি উঠে নি শিহরি? কি দারুণ
অশান্তি এই মনুষ্যজগতে-- রক্তপাত, অত্যাচার, পাপ কোলাহল
দিতেছে মানবমনে বিষ মিশাইয়া! কত কোটি কোটি লোক,
অন্ধকারাগারে অধীনতাশৃঙ্খলেতে আবদ্ধ হইয়া ভরিছে স্বর্গের কর্ণ
কাতর ক্রন্দনে, অবশেষে মন এত হোয়েছে নিস্তেজ, কলঙ্কশৃঙ্খল তার
অলঙ্কাররূপে আলিঙ্গন করে তারে রেখেছে গলায়! দাসত্বের পদধূলি
অহঙ্কার কোরে মাথায় বহন করে পরপ্রত্যাশীরা! যে পদ মাথায় করে
ঘৃণার আঘাত সেই পদ ভক্তিভরে করে গো চুষন! যে হস্ত ভ্রাতারে তার

পরায় শৃঙ্খল, সেই হস্ত পরশিলে স্বর্গ পায় করে। স্বাধীন, সে অধীনে
দলিবার তরে, অধীন, সে স্বাধীনে পূজিবারে শুধু! সবল, সে
দুর্বলে পীড়িতে কেবল—দুর্বল, বলের পদে আত্ম বিসর্জিতে!
স্বাধীনতা করে বলে জানে সেই জন কোথায় সেই অসহায় অধীন
জনের কঠিন শৃঙ্খলরাশি দিবে গো ভাঙ্গিয়া, না, তার স্বাধীন হস্ত
হোয়েছে কেবল অধীনের লৌহপাশ দৃঢ় করিবারে। সবল দুর্বলে কোথা
সাহায্য করিবে-- দুর্বলে অধিকতর করিতে দুর্বল বল তার--
হিমগিরি, দেখিছ কি তাহা? সামান্য নিজে স্বার্থ করিতে সাধন কত
দেশ করিতেছে শ্মশান অরণ্য, কোটি কোটি মানবের শান্তি স্বাধীনতা
রক্তময়পদাঘাতে দিতেছে ভাঙ্গিয়া, তবুও মানুষ বলি গর্ভ করে তারা,
তবু তারা সভ্য বলি করে অহঙ্কার! কত রক্তমাখা ছুরি হাসিছে হরষে,
কত জিহ্বা হৃদয়ে ছিঁড়িছে বিঁধিছে! বিষাদের অশ্রুপূর্ণ নয়ন হে গিরি
অভিশাপ দেয় সদা পরের হরষে, উপেক্ষা ঘণায় মাখা কুণ্ডিত অধর
পরঅশ্রুজলে ঢালে হাসিমাখা বিষ! পৃথিবী জানে না গিরি হেরিয়া
পরের জ্বালা, হেরিয়া পরের মর্মান্বিতের উচ্ছ্বাস, পরের নয়নজলে
মিশাতে নয়নজল—পরের দুখের স্বাসে মিশাতে নিশ্বাস! প্রেম? প্রেম
কোথা হেথা এ অশান্তিধামে? প্রণয়ের ছন্দবেশ পরিয়া যেথায় বিচরে
ইন্দ্রিয়সেবা, প্রেম সেথা আছে? প্রেমে পাপ বলে যারা, প্রেম তারা চিনে?
মানুষে মানুষে যেথা আকাশ পাতাল, হৃদয়ে হৃদয়ে যেথা আত্ম-
অভিমান, যে ধরায় মন দিয়া ভাল বাসে যারা উপেক্ষা বিদেষ ঘণা
মিথ্যা অপবাদে তারাই অধিক সহ্যে বিষাদ যন্ত্রণা, সেথা যদি প্রেম থাকে
তবে কোথা নাই-- তবে প্রেম কলুষিত নরকেও আছে! কেহ বা রতনময়
কনকভবনে ঘুমায়ে রয়েছে সুখে বিলাসের কোলে, অথচ সুমুখ দিয়া
দীন নিরালয় পথে পথে করিতেছে ভিক্ষাঙ্গসন্ধান! সহস্র পীড়িতদের
অভিশাপ লোয়ে সহস্রের রক্তধারে ক্ষালিত আসনে সমস্ত পৃথিবী
রাজা করিছে শাসন, বাঁধিয়া গলায় সেই শাসনের রজ্জু সমস্ত পৃথিবী
তাহার রহিয়াছে দাস! সহস্র পীড়ন সহি আনত মাথায় একের দাসত্বে
রত অযুত মানব! ভাবিয়া দেখিলে মন উঠে গো শিহরি-- ভ্রমার্ক দাসের
জাতি সমস্ত মানুষ। এ অশান্তি কবে দেব হ'বে দূরীভূত! অত্যাচার-
গুরুভারে হোয়ে নিপীড়িত সমস্ত পৃথিবী, দেব, করিছে ক্রন্দন! সুখ

শান্তি সেথা হোতে লয়েছে বিদায়! কবে, দেব, এ রজনী হবে অবসান?
স্নান করি প্রভাতের শিশিরসলিলে তরুণ রবির করে হাসিবে পৃথিবী!
অযুত মানবগণ এক কণ্ঠে, দেব, এক গান গাইবেক স্বর্গ পূর্ণ করি!
নাইক দরিদ্র ধনী অধিপতি প্রজা-- কেহ কারো কুটীরেতে করিলে গমন
মর্যাদার অপমান করিবে না মনে, সকলেই সকলের করিতেছে সেবা,
কেহ কারো প্রভু নয়, নহে কারো দাস! নাই ভিন্ন জাতি আর নাই ভিন্ন
ভাষা নাই ভিন্ন দেশ, ভিন্ন আচার ব্যাভার! সকলেই আপনার আপনার
লোয়ে পরিশ্রম করিতেছে প্রফুল্ল-অন্তরে। কেহ কারো সুখে নাহি দেয় গো
কণ্ঠক, কেহ কারো দুখে নাহি করে উপহাস! দ্বেষ নিন্দা ক্রুরতার জঘন্য
আসন ধর্ম-আবরণে নাহি করে গো সজ্জিত! হিমাঙ্গি, মানুষসৃষ্টি-আরম্ভ
হইতে অতীতের ইতিহাস পড়েছ সকলি, অতীতের দীপশিখা যদি
হিমালয় ভবিষ্যৎ অন্ধকারে পারে গো ভেদিতে তবে বল কবে, গিরি,
হবে সেই দিন যে দিন স্বর্গই হবে পৃথিবীর আদর্শ! সে দিন আসিবে গিরি,
এখনিই যেন দূর ভবিষ্যৎ সেই পেতেছি দেখিতে যেই দিন এক প্রেমে
হইয়া নিবন্ধ মিলিবেক কোটি কোটি মানবহৃদয়। প্রকৃতির সব কার্য
অতি ধীরে ধীরে, এক এক শতাব্দীর সোপানে সোপানে-- পৃথিবী সে
শান্তির পথে চলিতেছে ক্রমে, পৃথিবীর সে অবস্থা আসে নি এখনো কিন্তু
এক দিন তাহা আসিবে নিশ্চয়। আবার বলি গো আমি হে প্রকৃতিদেবি
যে আশা দিয়াছ হৃদে ফলিবেক তাহা, এক দিন মিলিবেক হৃদয়ে হৃদয়।
এ যে সুখময় আশা দিয়াছ হৃদয়ে ইহার সঙ্গীত, দেবি, শুনিতে শুনিতে
পারিব হরষচিত্তে ত্যজিতে জীবন!" সমস্ত ধরার তরে নয়নের জল বৃদ্ধ
সে কবির নেত্র করিল পূর্ণিত। যথা সে হিমাঙ্গি হোতে ঝরিয়া ঝরিয়া
কত নদী শত দেশ করয়ে উর্বরা। উচ্ছ্বসিত করি দিয়া কবির হৃদয়
অসীম করুণা সিন্ধু পোড়েছে ছড়িয়ে সমস্ত পৃথিবীময়। মিলি তাঁর
সাথে জীবনের একমাত্র সঙ্গিনী ভারতী কাঁদিলেন অর্ধ হয়ে পৃথিবীর
দুখে, ব্যাধশরে নিপতিত পাখীর মরণে বাস্মীকির সাথে যিনি করেন
রোদন! কবির প্রাচীননেত্রে পৃথিবীর শোভা এখনও কিছু মাত্র হয় নি
পুরাণো? এখনো সে হিমাঙ্গির শিখরে শিখরে একেলা আপন মনে
করিত ভ্রমণ। বিশাল ধবল জটা, বিশাল ধবল শ্মশ্রু, নেত্রের স্বর্গীয়
জ্যোতি, গভীর মূরতি, প্রশস্ত ললাটদেশ, প্রশান্ত আকৃতি তার মনে

হোত হিমাঙ্গির অধিষ্ঠাতৃদেব! জীবনের দিন ক্রমে ফুরায় কবির! সঙ্গীত
যেমন ধীরে আইসে মিলিয়ে, কবিতা যেমন ধীরে আইসে ফুরায়ে,
প্রভাতের শুকতারা ধীরে ধীরে যথা ক্রমশঃ মিশায়ে আসে রবির
কিরণে, তেমনি ফুরায়ে এল কবির জীবন। প্রতিরাত্রে গিরিশিবে
জোছনায় বসি আনন্দে গাইত কবি সুখের সঙ্গীত। দেখিতে পেয়েছে
যেন স্বর্গের কিরণ, শুনিতে পেয়েছে যেন দূর স্বর্গ হোতে, নলিনীর সুমধুর
আহ্বানের গান। প্রবাসী যেমন আহা দূর হোতে যদি সহসা শুনিতে পায়
স্বদেশ-সঙ্গীত, ধায় হরষিত চিতে সেই দিক্ পানে, একদিন দুইদিন
যেতেছে যেমন চলেছে হরষে কবি সেই দেশ হোতে স্বদেশসঙ্গীতধ্বনি
পেতেছে শুনিতে। এক দিন হিমাঙ্গির নিশীথ বায়ুতে কবির অস্তিম শ্বাস
গেল মিশাইয়া! হিমাঙ্গি হইল তার সমাধিমন্দির, একটি মানুষ সেথা
ফেলে নি নিশ্বাস! প্রত্যহ প্রভাত শুধু শিশিরাশ্রুজলে হরিত পল্লব তার
করিত প্লাবিত! শুধু সে বনের মাঝে বনের বাতাস, হৃৎ করি মাঝে মাঝে
ফেলিত নিশ্বাস! সমাধি উপরে তার তরুলতাকুল প্রতিদিন বরষিত
কত শত ফুল! কাছে বসি বিহগেরা গাইত গো গান, তটিনী তাহার
সাথে মিশাইত তান।

এই ডিজিটাল সংস্করণ সম্পর্কে

এই ই-বই অনলাইন গ্রন্থাগার [উইকিসংকলন](#)^[১] হতে প্রাপ্ত। স্বেচ্ছাসেবীদের দ্বারা নির্মিত এই বহুভাষী ডিজিটাল গ্রন্থাগার উপন্যাস, কবিতা, পত্র-পত্রিকা ইত্যাদি সমস্ত ধরনের প্রকাশনার মুক্ত সংকলন গড়ে তোলার জন্য অঙ্গীকারবদ্ধ।

আমরা কপিরাইটমুক্ত অথবা মুক্ত লাইসেন্সের অধীনে প্রকাশিত বইগুলিকে বিনামূল্যে প্রদান করে থাকি। আপনি আমাদের ই-বইগুলিকে [ক্রিয়েটিভ কমন্স অ্যাট্রিবিউশন-শেয়ারঅ্যালাইক ৩.০ আনপোর্টেড](#) লাইসেন্স^[২] বা [জিএনইউ ফ্রি ডকুমেন্টেশন লাইসেন্সের](#)^[৩] শর্তাধীনে বাণিজ্যিক উদ্দেশ্য সহ যে কোন উদ্দেশ্যে ব্যবহার করতে পারেন।

উইকিসংকলন সর্বদা নতুন সদস্যদের জন্য উন্মুক্ত। এই ই-বইয়ে কিছু ভুল ভ্রান্তি থেকে যাওয়া সম্ভব, সেক্ষেত্রে আপনি [এই পাতায়](#) জানাতে পারেন^[৪]।

নিম্নে তালিকাভুক্ত ব্যবহারকারীরা এই ই-বইয়ে অবদান রেখেছেন:

- Hasive
- Bodhisattwa
- Jayantanth
- Mahir256

1. [↑](https://bn.wikisource.org) <https://bn.wikisource.org>

2. [↑](https://creativecommons.org/licenses/by-sa/3.0/deed.bn) <https://creativecommons.org/licenses/by-sa/3.0/deed.bn>

3. [↑ http://www.gnu.org/copyleft/fdl.html](http://www.gnu.org/copyleft/fdl.html)
4. [↑ https://bn.wikisource.org/wiki/উইকিসংকলন:লিপিশালা](https://bn.wikisource.org/wiki/উইকিসংকলন:লিপিশালা)